


Nacrt Plana upravljanja vodama za vodno područje rijeke Save u Federaciji BiH (2022.-2027.)

Prateći dokument br.7: Konsultovanje javnosti



Februar, 2021.

Nacrt Plana upravljanja vodama za vodno područje rijeke Save u Federaciji BiH (2022.-2027.)

Prateći dokument br.7: Konsultovanje javnosti

Sadržaj:

| | | |
|----------|---|----------|
| 1 | UVOD | 3 |
| 2 | ZAKONODAVNI OKVIR | 3 |
| 2.1 | PRAVNA OSNOVA ZA SUDJELOVANJE JAVNOSTI U FEDERACIJI BiH | 4 |
| 2.2 | EU ODV ZAHTEVI ZA UČEŠĆE JAVNOSTI..... | 6 |
| 3 | KLJUČNI SUDIONICI | 7 |
| 3.1 | KONSULTACIJSKE AKTIVNOSTI | 8 |
| 3.1.1 | <i>Plan provođenja konsultacija</i> | 8 |

Popis slika:

| | | |
|-----------|--|---|
| SLIKA 2-1 | OPSEG I MEĐUSOBNA POVEZANOST SUDJELOVANJA JAVNOSTI | 3 |
|-----------|--|---|

Popis tabela:

| | | |
|------------|--|----|
| TABELA 2-1 | RELEVANTNI ZAKONSKI ZAHTEVI U FEDERACIJI BiH ZA SUDJELOVANJE JAVNOSTI | 5 |
| TABELA 2-2 | ZAHTEVI ODV ZA SUDJELOVANJE JAVNOSTI..... | 7 |
| TABELA 3-2 | REZIME AKTIVNOSTI U VEZI SA UKLJUČIVANJEM INTERESNIH GRUPA I OBJAVLIVANJEM INFORMACIJA | 10 |

Korištene skraćenice:

| | |
|------------------------------|--|
| AVP Sava | Agencija za vodno područje rijeke Save, Sarajevo |
| BiH | Bosna i Hercegovina |
| Federacija BiH | Federacija Bosne i Hercegovine |
| EU | Evropska unija |
| NVO | Nevladina organizacija |
| ODV | Okvirna direktiva EU o vodama ¹ |
| Plan upravljanja 2022.-2027. | Plan upravljanja vodama za vodno područje rijeke Save u Federaciji Bosne i Hercegovine (2022.-2027.) |
| ZoV Federacije BiH | Zakon o vodama Federacije Bosne i Hercegovine ² |

¹ Direktiva 2000/60/EC Evropskog parlamenta i savjeta od 23.10.2000. kojom se uspostavlja okvir za djelovanje Zajednice na polju politike voda.

² Službene novine Federacije BiH, br.70/2006.

1 UVOD

Konsultovanje javnosti predstavlja sastavni dio procesa izrade Plana upravljanja vodnim područjem rijeke Save u Federaciji BiH. Osim što osigurava implementaciju međunarodnih preporuka i domaćih zakona, aktivno učešće javnosti omogućava kvalitetnu izradu dokumenta, bolju opću informiranosti, te veću odgovornost svih institucija uključenih u realizaciju planiranih mjera. Planom sudjelovanja javnosti se definiše:

- Nivo sudjelovanja javnosti (međunarodni, nivo BiH, entitetski nivo i lokalni nivo);
- Definisane forme sudjelovanja javnosti, (pružanje informacija, konsultacije, aktivno učestvovanje);
- Identifikovanje interesno-utjecajne grupe (vladin sektor, lokalna zajednica, privredni sektor, tematska udruženja, NVO, građani);
- Način informisanja uz poštovanje rokova prema članu 38. ZoV Federacije BiH, (web stranica Naručioca, lokalne i regionalne novine, lokalna i regionalna radio-televizija, itd.);
- Kalendar događaja (mjesto i vrijeme/period održavanja radionica, mjesto konsultacija, informisanja i sl.) na web stranici Naručioca;
- Način predaje komentara Naručiocu na nacrt Plana upravljanja (2022. – 2027.) (poštom, elektronskom poštom ili faksom).


2 ZAKONODAVNI OKVIR

Konsultovanje javnosti po ODV ima jednu od ključnih uloga u procesu njene implementacije kroz tri oblika:

- pružanje informacija,
- konsultacije,
- aktivna uključenost.

Prema ODV, prva dva oblika se moraju osigurati, a aktivna uključenost se mora poticati kao izuzetno koristan alat za dostizanja ciljeva po ODV.

Slika 2-1 Opseg i međusobna povezanost sudjelovanja javnosti



Značaj sudjelovanja javnosti u kreiranju planskih dokumenata vezanih za sektor voda naglašen je i nizom drugih međudržavnih konvencija od kojih su najznačajnije:

- Aarhus konvencija - Konvencija o pristupu informacijama, učešću javnosti u odlučivanju i pristupu pravdi po pitanjima okoliša³,
- Dunavska konvencija - Konvencija o saradnji za zaštitu i održivo korištenje rijeke Dunav⁴, i
- Okvirni sporazum o slivu rijeke Save⁵.

U skladu sa ODV za podsliv rijeke Save u Federaciji BiH je neophodno da se osigura sudjelovanje javnosti na sljedećim nivoima:

- međunarodni nivo, (vezano za implementaciju međunarodnih sporazuma koje je BiH ratificirala, npr. za riječni bazen Dunava, podsliv rijeke Save ili vezano za prekogranične bilateralni sporazume),
- nivo BiH, (vezano za međuentitetsko usaglašavanje za cijeli podsliv rijeke Save u BiH),
- entitetski nivo, (vezano za usaglašavanje planova za vodno područje rijeke Save u Federaciji BiH i vodno područje Jadranskog mora u Federaciji BiH),
- lokalni nivo, (vezano za usaglašavanje sa planovima razvoja na kantonalnom, gradskom ili općinskom nivou).

2.1 Pravna osnova za sudjelovanje javnosti u Federaciji BiH

Konsultovanje javnosti u procesu izrade strateških i planskih dokumenata bazira se na ODV-u i zakonska je obaveza u Federaciji BiH, koja se provodi prema sljedećem :

- Zakon o slobodi pristupa informacijama u Federaciji BiH⁶
- Zakon o zaštiti okoliša Federaciji BiH⁷
- Zakon o vodama Federacije BiH⁸
- Uredba o pravilima za učešće zainteresirane javnosti u postupku pripreme federalnih pravnih propisa i drugih akata⁹

³ <http://www.unece.org/fileadmin/DAM/env/pp/documents/cep43e.pdf>

⁴ <https://www.icpdr.org/main/icpdr/danube-river-protection-convention>

⁵ http://www.savacommission.org/dms/docs/dokumenti/documents_publications/basic_documents/fasrb_bih_hr_v.pdf

⁶ Službene novine Federacije BiH, br. 32/01, 48/11.

⁷ Službene novine Federacije BiH, br. 33/03 i 38/09.

⁸ Službene novine Federacije BiH, br. 70/06.

⁹ Službene novine Federacije BiH, br. 51/12.

Tabela 2-1 Relevantni zakonski zahtjevi u Federaciji BiH za sudjelovanje javnosti

| | |
|--|---|
| <i>Zakon o slobodi pristupa informacijama u Federaciji BiH¹⁰</i> | Ovim Zakonom osiguravaju se prava građana na informacije, te se predviđa da svi građani i pravna lica imaju pravo pristupa informacijama pod kontrolom javnog organa, a svaki javni organ ima odgovarajuću obavezu objelodaniti takve informacije. |
| <i>Zakon o zaštiti okoliša Federaciji BiH¹¹</i> | Zakon o zaštiti okoliša Federacije BiH reguliše, između ostalog, i zaštitu voda koja obuhvata očuvanje površinskih i podzemnih voda, zaliha, reguliranje kvaliteta i kvantiteta vode, zaštitu korita, obalnih područja kopnenih voda i akvifera. U tom kontekstu, u Zakonu se na više mjesta regulišu dužnosti nadležnih institucija u pogledu učešća javnosti i obezbjeđenja informacija iz oblasti zaštite okoliša. Važno je napomenuti da se ovim Zakonom reguliše, između ostalog, da nadležno ministarstvo mora osigurati i učešće javnosti u postupcima procjene utjecaja projekata na okoliš. |
| <i>Zakon o vodama Federacije BiH¹²</i> | Zakonom o vodama Federacije BiH regulišu se, između ostalog, obaveze i odgovornosti nadležnih institucija vezano za učešće javnosti kod izrade strateških/planskih dokumenata. Već u poglavlju II član 3. "Opća načela" je navedeno da će se vodni resursi koristiti na način koji osigurava učešće javnosti u izradi planova upravljanja vodama. To je potpuno u skladu sa zahtjevima Okvirne direktive o vodama gdje je aktivno učešće svih zainteresiranih strana u pripremi, implementaciji i ažuriranju Planova upravljanja neizostavan korak u procesu implementacije EU ODV. Član 38. Zakona o vodama Federacije BiH "Konsultovanje javnosti" reguliše proces na koji Agencije za vode obavještavaju Savjetodavno vijeće za vode i lokalnu zajednicu o početku pripreme plana upravljanja vodama, te daje informacije o procesu konsultovanja javnosti. Osim člana 38. Zakona o vodama Federacije BiH, član 124. "Obavještavanje zainteresiranih strana i javnosti" definiše procedure prilikom izdavanja prethodne vodne saglasnosti, dok član 126. "Dostavljanje odluke i obavještavanje" određuje način na koji će nadležno tijelo, prije izdavanja vodnog akta, obavijestiti zainteresirane strane i javnost na području riječnog sliva. |
| <i>Uredba o pravilima za učešće zainteresirane javnosti u postupku pripreme federalnih pravnih propisa i drugih akata¹³</i> | Ovom Uredbom uređuju se pravila za postupanje Vlade Federacije BiH, federalnih ministarstava, federalnih uprava i federalnih upravnih organizacija u pripremi prednacrta/nacrta/prijedloga zakona, strategija, programa i drugih akata koje donose ili predlažu federalni organi i Vlada, a u cilju osiguranja učešća zainteresirane javnosti. U skladu sa Uredbom, učešće zainteresirane javnosti obuhvata četiri ključna oblika: <ul style="list-style-type: none"> • Informiranje podrazumijeva jednosmjernan proces u okviru kojeg federalni organi informiraju građane prema svom nahođenju ili građani dolaze do informacija na vlastitu inicijativu • Konsultacije podrazumijevaju dvosmjerni proces tokom kojeg federalni organi traže i primaju povratne informacije od građana, odnosno zainteresirane javnosti u postupku donošenja pravnih propisa i drugih akata • Uključivanje javnosti podrazumijeva aktivno uključivanje zainteresirane javnosti u izradu pravnih propisa i drugih akata, kroz članstvo u radnim tijelima • Partnerstvo podrazumijeva najviši stepen saradnje i uzajamne odgovornosti Vlade i predstavnika zainteresirane javnosti za proces donošenja pravnih propisa i drugih akata, a osigurava se potpisivanjem sporazuma o partnerstvu. |

¹⁰ Službene novine Federacije BiH, br. 32/01, 48/11.

¹¹ Službene novine Federacije BiH, br. 33/03 i 38/09.

¹² Službene novine Federacije BiH, br. 70/06.

¹³ Službene novine Federacije BiH, br. 51/12.

| | |
|--|---|
| <p><i>Strategija upravljanja vodama Federacije BiH 2010.-2022.</i></p> | <p>Prema Zakonu o vodama Federacije BiH, nadležne institucije imaju obavezu izrade Strategije upravljanja vodama koja treba da služi kao osnovni dokument za izradu Planova upravljanja vodnim područjima. Strategija upravljanja vodama FBIH usvojena je 2011. godine.</p> <p>Iako Strategija nije definisala posebne mjere u pogledu osiguranja učešća javnosti, u dokumentu se na više mjesta referiše na ZoV Federacije BiH kao pravni okvir za provedbu aktivnosti vezanih za učešće javnosti.</p> |
|--|---|

Osim toga, veoma je važno spomenuti da je BiH potpisnica **Aarhuske konvencije** o pristupu informacijama, sudjelovanju javnosti u odlučivanju i pristupu pravosuđu u pitanjima okoliša u 2008. godini. Aarhuska konvencija daje prava javnosti u vezi sa pristupom informacijama, sudjelovanjem javnosti i pristupom pravosuđu, u procesima odlučivanja na nivou vlade o pitanjima koja se tiču lokalnog, državnog i prekograničnog okoliša. U stavu c) člana 2. Konvencije navedeno je da se Konvencija primjenjuje ne samo na vlade na svim nivoima, nego također i na "sva druga fizička ili pravna lica koja imaju javne odgovornosti ili funkcije ili pružaju javne usluge, u vezi s okolišem, pod kontrolom." U skladu s Konvencijom, institucije su dužne:

- Odgovarati na zahtjeve javnosti za informacijama o okolišu, (bilo koji član javnosti može podnijeti zahtjev, bez obzira na državljanstvo, nacionalnost ili boravište), i
- Redovno sakupljati i objavljivati informacije o okolišu javnosti i obavještavati javnost da su informacije dostupne; te pružati informacije za hitne slučajeve.

U članu 14. Odluke o ratifikaciji konvencije o saradnji na zaštiti i održivoj upotrebi rijeke Dunav (**Konvencija o zaštiti rijeke Dunav**)¹⁴ je navedeno da :“1. Ugovorne strane dužne su osigurati obavezu svojih nadležnih organa da daju informacije o stanju i kvaliteti riječnog okoliša u slivu Dunava, svakoj fizičkoj ili pravnoj osobi, na svaki razumno podnesen zahtjev, uz naplatu razumnih taksi, i što je prije moguće, a da osoba koja informacije traži ne mora navesti razloge. 2. Informacije iz tačke 1., kojima raspolažu nadležni organi, mogu se dati u pismenom, vizuelnom i usmenom obliku, ili u obliku baze podataka“.

U članu 21. Odluka o ratifikaciji **Okvirnog sporazuma o slivu rijeke Save**¹⁵ je navedeno da: metodologija praćenja provedbe uključuje pravodobnu dostupnost informacija zainteresiranim osobama i javnosti, koju će osigurati tijela nadležna za provedbu ovog sporazuma.

2.2 EU ODV zahtjevi za učešće javnosti

Osnovne postavke ODV vezane za sudjelovanje javnosti prezentirane su u preambuli 14., preambuli 46. i članu 14. kao što je to prezentirano u narednoj tabeli.

¹⁴ Službeni glasnik BiH, broj 65/2005.

¹⁵Službeni glasnik BiH“, broj 8/2003.

Tabela 2-2 Zahtjevi ODV za sudjelovanje javnosti

| | |
|---|--|
| Preambula 14. | (14) Uspjeh ove Direktive oslanja se na blisku saradnju i usklađeno djelovanje u Zajednici, državama članicama i na lokalnom nivou, kao i na informisanju, konsultovanju i sudjelovanju javnosti, uključujući i korisnike. |
| Preambula 46. | Kako bi se osiguralo učešće šire javnosti, uključujući i potrošače vode, u uspostavi i ažuriranju planova za upravljanje riječnim slivom, nužno je omogućiti pružanje odgovarajućih informacija o planiranim mjerama te izvještavanje o napretku u njihovoj implementaciji sa ciljem usvajanja konačnih odluka o nužnim mjerama. |
| Član 14. Informisanje i konsultovanje javnosti | <p>1. Države članice poticati će aktivno uključivanje svih zainteresovanih strana u provedbi ove Direktive, a naročito u izradi, evaluaciji i dopunjavanju RBM planova. Zemlje članice će osigurati da će za svako vodno područje objaviti i učiniti dostupnim javnosti, uključujući i korisnike:</p> <ol style="list-style-type: none"> a. vremenski raspored i program rada na izradi plana, uključujući i popis konsultacija koje treba obaviti, najmanje 3 godine prije početka razdoblja na koje se plan odnosi; b. privremeni pregled značajnih pitanja upravljanja vodama identificiranim u datom vodnom području i to najmanje 2 godine prije početka razdoblja na koje se plan odnosi; c. kopije nacrtu plana upravljanja riječnim slivom, najmanje godinu dana prije početka razdoblja na koje se plan odnosi. <p>Na zahtjev će se obezbijediti pristup pratećim dokumentima i informacijama koje se koriste za izradu nacrtu RBM plana.</p> <ol style="list-style-type: none"> 1. Države članice će odrediti najmanje šest mjeseci za pismene primjedbe o dokumentima kako bi se omogućilo aktivno uključivanje i konsultacije. 2. Stav 1 i Stav 2 ce se jednako primjenjivati na ažurirane planove za upravljanje riječnim slivom. <p>A. Planovi za upravljanje riječnim slivom će sadržavati sljedeće elemente:</p> <p>...</p> <p>9. rezime poduzetih mjera za informisanje i konsultovanje javnosti, njihove rezultate te promjene u planu učinjene kao njihova posljedica;</p> <p>11. kontaktne tačke i postupke za dostavljanje pozadinske dokumentacije i informacija na koje se odnosi Član 14(1), te posebno detalje o mjerama kontrole usvojenim u skladu sa Članom 11(3)(g) i 11(3)(i) te stvarnim podacima prikupljenima u skladu sa Članom 8. i Aneksom V...</p> |

U procesu implementacije ODV pripremljen je i poseban vodič¹⁶ sa detaljnijim objašnjenjima i smjernicama nadležnim institucijama i široj javnosti o načinu uključivanja javnosti u procese izrade, implementacije i ažuriranja planova upravljanja vodama.

3 KLJUČNI SUDIONICI

Zainteresirane strane Plana upravljanja 2022.-2027. su određene kako bi se ispunili zahtjevi za punim provođenjem konsultacija. Zainteresirane strane trebaju biti obaviještene o projektnim aktivnostima i s njima se moraju provoditi konsultacije tokom cijelog procesa izrade plana upravljanja. Prepoznate su sljedeće grupe zainteresiranih strana, detaljno navedenih u narednoj tabeli:

- Vladin sektor,
- Lokalne zajednice,
- Privreda i industrija,

¹⁶ European Commission, 2003. Common Implementation Strategy for the Water Framework Directive (2000/60/EC). Guidance document No8. Public Participation in relation to the Water Framework Directive.

- Ostali relevantni pravni subjekti, i
- Nevladin sektor.

3.1 Konsultacijske aktivnosti

3.1.1 Plan provođenja konsultacija

S ciljem adekvatnog rješavanja potreba različitih grupa osmišljeni su načini komunikacije i informisanja za sve identificirane zainteresirane strane u skladu sa njihovim potrebama. Konstruktivno i pravovremeno uključivanje zainteresiranih strana može osigurati uspjeh provedbe planiranih mjera Plana upravljanja 2022.-2027. Proces uključivanja javnosti bit će iskorišten kako bi se pribavili komentari i prijedlozi za razvoj plana upravljanja, što može poboljšati krajnji rezultat i donijeti veće prednosti na lokalnom nivou.

Proces konsultovanja javnosti podrazumjeva uključivanje zainteresiranih strana koje:

- Imaju određene interese u projektu i projektnim aktivnostima, i
- Imaju mogućnost utjecaja na sam projekat ili njegov konačni ishod.

AVP Sava poduzima sljedeće aktivnosti uključivanja javnosti u procese izrade i usvajanja Plana upravljanja 2022.-2027.:

- Objavljuje Radni plan za pripremu i usvajanje Plana upravljanja vodama za vodno područje rijeke Save 2022.-2027.,
- Objavljuje dokument "Značajna pitanja upravljanja vodama",
- Objavljuje nacrt Plana upravljanja na web stranici AVP Sava, uključujući i sve prateće dokumente kako bi svi zainteresovani mogli preuzeti iste i ostvariti direktan uvid u predloženi nacrt i prateće dokumente,
- Objavljuje obrasce na web stranici za online komentarisanje nacrta Plana upravljanja,
- Objavljuje kontakte (telefon i e-mail adresa) na web stranici koje zainteresirani mogu koristiti za dostavljanje komentara,
- Utvrđuje listu i dostavlja zvanični poziv ključnim zainteresiranim stranama da se uključe u proces izrade Plana upravljanja dostavljajući komentare na nacrt Plana upravljanja i prateće dokumente,
- Objavljuje na web stranici informacije sa datumima do kada će se primati komentari, datumima i općinama/gradovima u kojima će se održati javne rasprave,
- Objavljuje oglase u dnevnim novinama sa pozivom svim zainteresiranim da se uključe u proces izrade Plana upravljanja (prvenstveno dostavljajući komentare na nacrt Plana upravljanja),
- Dostavlja javnim medijima informaciju o pripremljenom nacrtu Plana upravljanja koja je na web stranici AVP Sava,
- Organizuje i vodi javne rasprave o nacrtu Plana upravljanja i pratećim dokumentima,
- Vodi urednu evidenciju i priprema odgovore na pristigle komentare,
- Organizuje radio prezentacije o nacrtu Plana upravljanja,
- Priprema izvještaj o provođenju procesa konsultacija koji će na kraju biti dio Plana upravljanja,
- Objavljuje donešeni Plan upravljanja na web stranici AVP Sava,
- Prezentuje Plan upravljanja na stručnim seminarima i konferencijama o vodama.

U skladu sa članovima 51. i 52. Zakona o zaštiti okoliša Federacije BiH ("Službene novine Federacije BiH", broj 33/03) i članovima 14. i 15. Zakona o izmjenama i dopunama Zakona o zaštiti okoliša ("Službene novine Federacije BiH", broj 38/09) definisana je potreba izrade Strateške procjene utjecaja na okoliš organa nadležnih za izradu planova upravljanja vodama. S obzirom da priprema Plan upravljanja, AVP Sava provodi i izradu Strateške procjene. Na realizaciji ove aktivnosti, u segmentu konsultovanja javnosti AVP Sava poduzima sljedeće:

- p) Objavljuje nacrt Strateške procjene uticaja na okoliš Plana upravljanja 2022. – 2027. na web stranici AVP Sava i dostavlja zvaničan poziv svim zainteresovanim stranama kako bi dostavili komentare na ovaj dokument,
- q) Objavljuje informacije sa datumima do kada će se primati komentari, datumima i općinama/gradovima u kojima će se održati javne rasprave,
- r) Organizuje i vodi javne rasprave o nacrtu Strateške procjene,
- s) Vodi urednu evidenciju i priprema odgovore na pristigle komentare,
- t) Priprema izvještaj o provođenju procesa konsultacija koji će na kraju biti dio Strateške procjene,
- u) Objavljuje donešenu Stratešku procjenu na web stranici AVP Sava.

Planirano je održavanje prezentacije ncrta Plana upravljanja i nacrta Strateške procjene u različitim općinama/gradovima na vodnom području rijeke Save, ali ove aktivnosti će zavisi od epidemiološke situacije uzrokovane pandemijom COVID-19. U slučaju restrikcija okupljanja zbog pandemije COVID 19, razmotriti će se mogućnost organizovanja online prezentacija putem odgovarajućih platformi za sastanke.

Tabela u nastavku prikazuje sažetak plana aktivnosti i vremenskog okvira u vezi sa uključivanjem zainteresiranih strana i objavljivanjem informacija.

Tabela 3-1 Rezime aktivnosti u vezi sa uključivanjem interesnih grupa i objavljivanjem informacija

| Br. | Aktivnost | Vremenski raspored i drugi detalji |
|-----|---|---|
| 1. | Objava Radnog plana za pripremu i usvajanje Plana upravljanja vodama za vodno područje rijeke Save 2022.-2027 | Januar 2019. godine Na web stranici AVP Sava, objavljen je Radni plan za pripremu i usvajanje Plana upravljanja vodama za vodno područje rijeke Save 2022.-2027. Imajući u vidu zakonsku obavezu konsultovanja javnosti, dopisom su pozvani svi zainteresovani subjekti (pojedinci, vladine i nevladine institucije i organizacije, obrazovni i privredni subjekti, ...) da u roku od godinu dana svojim prijedlozima/komentarima na Radni plan daju doprinos u pripremi Plana upravljanja vodama za vodno područje Save u Federaciji BiH (2022.-2027.). Obavijest o objavljivanju Radnog plana na web stranici AVP Sava upućena je u dnevne novine, Savjetodavnom vijeću za vode AVP Sava, Ministarstvu vanjske trgovine i ekonomskih odnosa, Federalnom ministarstvu poljoprivrede, vodoprivrede i šumarstva, JU Vode Srpske Bijeljina, Odjeljenje za poljoprivredu, šumarstvo i vodoprivredu Vlade Brčko Distrikta, kao i kantonalnim ministarstvima nadležnim za upravljanje vodama, gradovima i općinama na vodnom području rijeke Save u Federaciji BiH. |
| 2. | Objava dokumenta "Značajna pitanja upravljanja vodama"- na web stranici AVP Sava i pozvana zainteresovana javnost na davanje komentara/mišljenja. | Januar 2020. – Februar 2020. |
| 3. | Organizacija javne rasprave „ Značajnih pitanja upravljanja vodama“, prikupljanje primjedbi i izrada završnog dokumenta, te izvještaja o provedenoj javnoj raspravi. | Javna rasprava: Januar, 2020. Izrada izvještaja: Februar 2020. |
| 4. | Sljedeći dokumenti stavljeni na uvid i komentarisanje na web stranici AVP Sava, uz dostavljanje zvaničnog poziva svim zainteresovanim stranama da dostave svoje komentare: Karakterizacijski izvještaj, Ekonomske analize korištenja voda, Okolišni ciljevi upravljanja vodama, Integraciona pitanja, Program mjera, Konsultovanje javnosti, Nacrt Plan upravljanja 2022.-2027. Nacrt Strateške procjene uticaja na okoliš Plana upravljanja 2022. – 2027. Obrazac za komentarisanje | Dostava zvaničnog poziva za nacrt Plana upravljanja: februar 2021. Dostava komentara za nacrt Plana upravljanja: februar – juli 2021. Dostava zvaničnog poziva za nacrt Strateške procjene: april/maj 2021. Dostava komentara za nacrt Strateške procjene: juni – juli 2021. |

| Br. | Aktivnost | Vremenski raspored i drugi detalji |
|-----|--|--|
| 5. | Objava oglasa u dnevnim novinama, sa pozivom svim zainteresiranim da se uključe u proces izrade nacrtu Plana upravljanja, dostavljajući komentare, prijedloge i sugestije. | Februar, 2021. |
| 6. | Organizacija radio prezentacije o nacrtu Plana upravljanja 2022.-2027. | Prvi kvartal, 2021. |
| 7. | Organizacija javnih rasprava po dokumentima: Karakterizacijski izvještaj, Ekonomске analize korištenja voda, Okolišni ciljevi upravljanja vodama, Integraciona pitanja, Program mjera, Konsultovanje javnosti, Nacrt Plan upravljanja 2022.-2027. Nacrt Strateške procjene uticaja na okoliš Plana upravljanja 2022. – 2027. Planirano je održavanje prezentacija nacrtu Plana upravljanja i nacrtu Strateške procjene u različitim općinama/gradovima na vodnom području rijeke Save, ali ove aktivnosti će zavisiti od epidemiološke situacije uzrokovane pandemijom COVID-19. U slučaju restrikcija okupljanja zbog pandemije COVID 19, razmotriće se mogućnost organizovanja online prezentacija putem odgovarajućih platformi za sastanke. | Za nacrt Plana upravljanja: Februar-juli 2021. Za nacrt Strateške procjene:maj-juli 2021. |
| 8. | Prikupljanje svih pisanih mišljenja, komentara i sugestija u vezi sa nacrtom Plana upravljanja i nacrtom Strateške procjene pristigle od zainteresovane javnosti u datom roku. | Za nacrt Plana upravljanja:Februar-juli 2021. Za nacrt Strateške procjene:maj-juli 2021. |
| 9. | Izrada izvještaja o svim provedenim aktivnostima konsultovanja javnosti na nacrt Plana upravljanja i nacrt Strateške procjene. | August 2021. |
| 10. | Izrada prijedloga Plana upravljanja 2022.-2027. i prijedloga Strateške procjene i njihovo upućivanje u zakonom propisanu proceduru donošenja/usvajanja. | Septembar, 2021. |
| 11. | Objava donešenog Plana upravljanja 2022.-2027. i usvojene Strateške procjene na web stranici AVP Sava. | Po donošenju Odluka Vlade Federacije BiH |